

Skilmálar vegna peningamarkaðsinnlána

1. gr. Almenn

Þessir almennu samningsskilmálar gilda um peningamarkaðsinnlán viðskiptamanns hjá Kviku banka hf., kt. 540502-2930, Katrínartúni 2, 105 Reykjavík (hér eftir „bankinn“).

Almennu samningsskilmálarnir geyma ákvæði um réttindi og skyldur aðila vegna peningamarkaðsinnláns viðskiptamanns.

Almennir markaðsskilmálar fyrir verðbréfavíðskipti milli bankans og viðskiptamanna bankans og almennir viðskiptaskilmálar Kviku kunna einnig að gilda um víðskipti milli Kviku og viðskiptamanna og koma þeir þá til fyllingar skilmálum þessum eftir því sem við á. Skilmálar þessir um peningamarkaðsinnlán ganga framár hinum framangreindu almennu víðskiptaskilmálum Kviku banka hf., reynist ósamræmi þar á milli, enda falli víðskiptin eða þjónustan undir skilmála þessa. Almennu skilmálarnir eru aðgengilegir á vefsíðu bankans, www.kvika.is

2. gr. Peningamarkaðsinnlán, lántími og dagaregla

Peningamarkaðsinnlán felur í sér lántöku bankans hjá peningamarkaðsinnlánsþafa í formi innlagnar peningamarkaðsinnlánsþafa á fjármunum inn á bankareikning í eigu bankans, án þess að innlánið myndi innstæðu á greiðslureikningi í eigu peningamarkaðsinnlánsþafa hjá bankanum. Peningamarkaðsinnlán fela ekki í sér greiðsluþjónustu samkvæmt lögum nr.

120/2011 um greiðsluþjónustu

Peningamarkaðsinnlán byggir á beiðni viðskiptamanns þar um, sem kann að hafa verið sett fram munnlega (þ.m.t. í síma), skriflega eða með rafrænum hætti við starfsmenn bankans. Dagurinn þegar samningur um peningamarkaðsinnlán kemst á milli bankans og viðskiptamanns telst samningsdagur (víðskiptadagur) innlánsins. Peningamarkaðsinnlán samkvæmt samningnum telst stofnað á þeim degi þegar þeir fjármunir sem víðskiptamaður leggur inn til bankans hafa borist inn tilgreindan bankareikning í eigu bankans. Telst sá dagur vera fyrsti vaxtadagur innlánsins nema annað sé tekið fram.

Bankinn sendir víðskiptamanni staðfestingu peningamarkaðsinnláns um leið og víðskiptamaður hefur lagt inn peningamarkaðsinnlán hjá bankanum. Í staðfestingunni koma fram fjárhæð peningamarkaðsinnlánsins, vaxtakjör, samningsdagur, gildistöku dagur, gjalddagi, greiðsla á gjalddaga og aðrir þeir skilmálar sem bankinn og víðskiptamaður kunna að hafa komið sér saman um. Staðfestingin verður send á það netfang sem víðskiptamaður hefur tilgreint í samskiptum sínum við bankann.

Gerir víðskiptavinur ekki athugasemdir við efni staðfestingarinnar með sannanlegum hætti innan 1 dags frá dagsetningu hennar skal litið svo á að staðfestingin, ásamt skilmálum þessum, hafi að geyma rétt og umsamin efnisatriði skuldbindandi samkomulags bankans og víðskiptamanns um peningamarkaðsinnlánið, nema um augljósar villur sé að ræða. Bankanum er heimilt að leiðrétta augljósar villur án samþykkis víðskiptamanns.

Staðfesting bankans á peningamarkaðsinnláni samkvæmt ofangreindu telst ekki vera fjármálagerningur í skilningi 2. tl., 1. mgr. 2. gr. laga nr. 108/2007 um verðbréfavíðskipti.

Víðskiptamaður getur ekki lagt frekari fjármuni inn á peningamarkaðsinnlánsreikninginn hjá bankanum (hér eftir „bankareikningurinn“), á gildistíma hvers peningamarkaðsinnláns fyrir sig.

Lántíminn er frá gildistöku degi til gjalddaga.

Dagaregla er Actual/360 (ICMA).

3. gr. Vextir og vaxtatímabil

Bankinn greiðir umsamda vexti af peningamarkaðsinnláninu. Vextir eru fastir út lántíma peningamarkaðsinnlánsins.

Peningamarkaðsinnlánið ber vexti frá fyrsta vaxtadegi eins og hann er skilgreindur í 2. gr. skilmála þessara og fram að deginum fyrir gjalddaga (vextir falla ekki á innlánið á gjalddaga). Vextir reiknast daglega af upphæð peningamarkaðsinnlánsins, en vextir leggjast ekki við höfuðstól og peningamarkaðsinnlánið ber ekki vaxtavexti.

4. gr. Útborgun og gjalddagi

Á gjalddaga er peningamarkaðsinnláninu ásamt áföllnum vöxtum að frádregnum fjármagnstekjuskatti beri viðskiptamanni að greiða slíkt, ráðstafað að fullu á bankareikning viðskiptamanns.

Peningamarkaðsinnlánið er ekki laust til útborgunar fyrr en á gjalddaga og viðskiptamaður hefur engar heimildir til að (i) gjaldfella peningamarkaðsinnlánið, (ii) segja upp eða (iii) rifta samningnum um peningamarkaðsinnlánið.

Viðskiptamaður getur sent bankanum skriflega beiðni um útborgun peningamarkaðsinnlánsins fyrir gjalddaga en bankanum er ekki skylt að verða við slíkri beiðni.

Ef bankinn heimilar útborgun peningamarkaðsinnlánsins fyrir gjalddaga ber viðskiptamanni að greiða úttektargjald sem ákveðið er af bankanum. Bankinn ákveður úttektargjald með hliðsjón af (i) þeirri upphæð sem koma á til útborgunar, (ii) fyrirhuguðum gjalddaga, (iii) markaðsaðstæðna á fjármálamörkuðum og (iv) þeirra lánskjara sem bankinn nýtur á hverjum tíma.

5. gr. Réttur til að halda eftir greiðslu og skuldajöfnun (nettun)

Bankanum er heimilt en ekki skylt að halda eftir greiðslu peningamarkaðsinnláns ef viðskiptamaður hefur vanefnt aðrar skuldbindingar sínar gagnvart bankanum, gildir einu hvort sú skuldbinding leggur greiðsluskyldu á viðskiptamann eða hún er til komin vegna ábyrgðar sem hann hefur undirgengist fyrir þriðja aðila.

Ef einhver skuldbinding viðskiptamanns gagnvart bankanum er gjaldfelld er bankanum heimilt að beita skuldajöfnuði þannig að peningamarkaðsinnláninu ásamt áföllnum vöxtum verði ráðstafað til greiðslu á skuldbindingu viðskiptamanns gagnvart bankanum og aðeins mismunur komi til greiðslu til viðskiptamanns á gjalddaga, ef einhver er. Bankanum er heimilt að beita skuldajöfnuði án tillits til gjalddaga eða veðsetningar peningamarkaðsinnstæðunnar.

Áður en peningamarkaðsinnlánið ásamt áföllnum vöxtum að frádregnum fjármagnstekjuskatti kemur til útborgunar er bæði viðskiptamanni og bankanum heimilt að ráðstafa kröfunni á gjalddaga til skuldajafnaðar á móti skuldbindingu viðskiptamannsins gagnvart bankanum þannig að aðeins mismunur komi til greiðslu ef einhver er.

6. gr. Framsal og veðsetning

Viðskiptamanni er óheimilt að framselja peningamarkaðsinnlánið.

Viðskiptamanni er heimilt að veðsetja peningamarkaðsinnlánið (fjárkröfuna). Bankanum skal tilkynnt um slíka veðsetningu þar sem fram skulu koma upplýsingar um veðhafa sem og hvert bankanum beri að greiða peningamarkaðsinnlánið ásamt áföllnum vöxtum á gjalddaga, sbr. 45. og 46. gr. laga um samningsveð nr. 75/1997. Bankinn innheimtir þóknun sem nemur 10.000 kr. vegna skráningar veðsetningar í kerfi bankans sem dregst frá greiðslu á gjalddaga.

7. gr. Önnur ákvæði

Komi upp ágreiningsmál vegna peningamarkaðsinnláns hjá Kviku banka hf. skulu slík mál rekin fyrir Héraðsdómi Reykjavíkur.

Skilmálar þessir eru staðlaðir og verður ekki breytt af hálfu viðskiptamanns. Áritanir, útstrikanir, viðbætur eða annars konar breytingar sem viðskiptamaður gerir á þeim hafa ekki gildi gagnvart bankanum.

Skilmálar þessi gilda um peningamarkaðsinnlán hjá Kviku banka hf. frá 13. mars 2021